

## **UDAL JABETZA PUBLIKOA OKUPATZEAGATIKO TASAK**

**2018ko urtarrilaren 1etik**

**Plenoan onartuta 2017ko irailaren 26an**

**(G.A.O. 242 zk., 2017.12.21)**

## Aurkibidea

I. Xedapen orokorra . . . . .	4
1. artikulua . . . . .	4
2. artikulua . . . . .	4
II. Zerga gaia . . . . .	4
3. artikulua . . . . .	4
III. Subjektu pasiboa . . . . .	4
4. artikulua . . . . .	4
5. artikulua . . . . .	4
IV. Salbuespenak, murrizpenak, hobariak . . . . .	4
6. artikulua . . . . .	4
V. Oinarri ezargarrira . . . . .	4
7. artikulua . . . . .	5
VI. Kuota . . . . .	5
8. artikulua . . . . .	5
VII. Sortzapena eta zergaldia . . . . .	5
9. artikulua . . . . .	5-6
VIII. Likidazioa eta ordainketa . . . . .	6
10. artikulua . . . . .	6
IX. Tasen kudeaketa . . . . .	6
11. artikulua . . . . .	6
12. artikulua . . . . .	6
13. artikulua . . . . .	5- 6
X. Amaierako xedapena . . . . .	7
Eranskina . . . . .	

1. Ibilgailuak espaloietan zehar finken barrualdera sartzea eta horien aparkamendu erreserba bide publikoan. . . . . 7-8
2. Udal bide publikoen lurzoria, lurpe edo hegalkinaren erabilpen pribatiboa edo aprobexamendu berezia, hornidura zerbitzuen enpresa ustiatzaileen alde . . . . . 9
3. Bide publikoen aprobexamendu berezia. . . . . 9-11
4. Asteko feria eta udaletxeko arkupeetako saltokiez bide publikoa okupatzea . . . . . 11-12
5. Udaletxeko arkupeetan loreak saltzeko saltokia "Santu Guztien eguna". . . . . 12
6. Herriko hainbat kaletara sartzeko kontrol sistema. . . . . 12-13
7. Ereñotzu auzoko pilota lekuaren erabilera . . . . . 13

## I.- XEDAPEN OROKORRA

### 1. artikulua.

Entitate lokal honek, Gipuzkoako Toki Ogasunak arautzen dituen Foru Arauari jarraiki, Eranskinean zehazten diren tasak ezarri eta exijitzen ditu udal jabari publikoaren erabilera pribatiboagatik edo aprobetxamendu bereziagatik. Ordenantza honetan adierazten diren arauen arabera ezarri eta exijitzen dira tasa horiek, eta haren barruan geratzen dira jasota.

### 2. artikulua.

Ordenantza hau Hernaniko udalerrri osoan aplikatuko da.

## II. ZERGAGAIA

### 3. artikulua.

Tasak ondoko zergagaia duten zergak dira: herri jabariaren erabilera pribatiboa edo aprobetxamendu berezia; subjektu pasiboari bereziki egokitu, eragin edo onura ekartzen dioten erabilera publikoari atxikitako bestelako ondasunak.

## III. SUBJEKTU PASIBOA

### 4. artikulua.

1.- Honako hauek izango dira, zergadun bezala, subjektu pasiboak: pertsona fisikoak zein juridikoak, eta Gipuzkoako Zergen Foru Arau Orokorrek 35. artikulua 3 apartatua aipatzen dituen entitateak, baldin eta beren onura partikularrerako gozatu, erabili edo aprobetxatzen badute modu berezian udal jabari publikoa, uztailaren 5eko 11/1989 Foru Arauak, Gipuzkoako Toki Ogasunei buruzkoak, 20.2 artikuluan jasotzen dituen kasuen arabera.

2.- Espaloietan egokitutako ibilgailu sarrerak modu pribatiboan erabiltzeagatik edo haien aprobetxamendu bereziagatik ezartzen diren tasetan eta, orobat, sarrera horiek eraiki, mantendu, aldatu edo kentzekoetan, zergadunaren ordezkotzat hartuko dira ibilgailuen sarrera horiei sarbidea ematen dieten finka eta lokalen jabeak. Horiek, hala dagokienean, onuradun desberdinei jasanarazi ahal izango dizkiete kuotak.

3.- Estatua, autonomia elkarrekin eta entitate lokalak ez daude behartua tasak ordaintzera herri jabariaren erabilera pribatibo edo aprobetxamendu bereziarengatik, zuzenean ustiatzen dituzten komunikazio zerbitzu publikoen aprobetxamenduetan eta, bereziki, herritarren segurtasunarekin edo defentsa nazionalarekin zerikusia duten guztietan.

### 5. artikulua.

1.- Lizentziak beren izenean jasotzen dituztenek ordainduko dute tasa, eta lizentziarik ez badago, aprobetxamenduaren onuradun direnek.

## IV. SALBUESPENAK, MURRIZPENAK ETA HOBARIAK

### 6.- artikulua.

1.- Salbuespenak edo bestelako onura fiskalak emango dira aplikagarri diren xedapen orokorretan ezarritakoaren arabera.

2.- Salbuetsita egongo dira interes bereziko edo udal onurako ekintzak garatzeko beharrezkoak izango diren bide okupazioak. Interes bereziko edo udal onurako ekintzak Alkateak izendatuko ditu dekretu bidez, eta bertan, salbuespena onartuko du.

## V. OINARRI EZARGARRIA

### 7. artikulua.

Oinarri ezargarrria udal jabari publikoaren erabilera pribatiboa edo aprobetxamendu berezia gauzaten den unitate bakoitzak osatzen du, eranskinean jasotakoaren arabera.

## VI. KUOTA

### 8. artikulua.

1.- Zerga kuota finkatuko da tarifa bat, espresuki erabakitako kopuru finko bat edo, bestela, bi prozedurak batera erabiliz, eranskinean ezarritakoaren arabera.

2.- Erabilera pribatibo edo aprobetxamendu bereziak udal jabari publikoa suntsitu edo hondatzen duenean, onuradunak, behar den tasari aurre egiteaz gainera, osorik itzuli beharko ditu berreraikuntza edo konponketa gastuen kostuak, eta haren zenbatekoa alde aurretik ordaindu.

Kalteak konponezinak badira, udalak kalte-ordain bat jasoko du. Suntsitutako ondasunen pareko balioa izango du, edo bestela, kaltetutako ondasunen zenbatekoarena.

Entitate Lokalak ezingo ditu barkatu, ez osorik ez zati batean, apartatu honetan aipatzen diren kalte-ordainak edo diru-itzulketak.

## VII. SORTZAPENA ETA ZERGALDIA

### 9. artikulua.

1.- Udal jabari publikoaren erabilera pribatibo edo aprobetxamendu bereziagatik exijitzen den tasa hurrengo uneetan sortuko da zergagaiaren izaeraren arabera: erabilera pribatiboa edo aprobetxamendu berezia hasten denean, eta orduan zenbateko osoa edo haren zati bat aurrez ordaintzea exiji daiteke, edota, bestela, jarduera edo espedienteari hasiera ematen dion eskaera aurkezten denean: jarduera egiteko edo espedientea izapidetzeko dagokion ordainketa derrigor egin behar da.

2.- Tasaren izaera materialak sortzapena aldizkakoa izatea exijitzen duenean, sortzapen hori urte bakoitzeko urtarrilaren 1ean gertatuko da eta zergaldiak urte naturala hartuko du. Erabilera pribatiboa edo aprobetxamendu berezia hasi edo uzten denean, ordea, zergaldia zirkunstantzia horretara egokituko da, eta kuotan dagokion hainbanaketa egingo da Eranskinean ezarritakoari jarraituz.

3.- Jabari publikoa erabili edo aprobeatzeko eskubidea burutu edo gauzatu gabe geratzen bada subjektu pasiboarekin zer ikusirik ez duten arrazoiengatik, dagokion zenbatekoa itzuliko zaio.

## VIII. LIKIDAZIOA ETA ORDAINKETA

### 10. artikulua.

Entitate Lokalak kontzeptu bakoitzaren likidazioa egingo du, eta likidaturiko kopurua eskudirutan ordainduko da Eranskinak exakzio bakoitzerako ezartzen dituen arau partikularrei jarraituz.

Subjektu pasiboak ordainketa geroratu edo zatikatzeko eskaera borondatezko epean aurkeztu badu eta Udalak onartu badio ez da berandutza interesik exijituko. Onura hori lortzeko beharrezkoa izango da ordainketa zerga sortu den ekitaldian egitea.

## IX. TASEN KUDEAKETA

### 11. artikulua.

Ordenantza honetan arautzen diren tasak likidatu, bildu eta ikuskatzeari dagokion guztian, eta, halaber, zerga urrapenak kalifikatu eta kasu bakoitzean zigorrak ezartzerakoan, Gipuzkoako Zergen Foru Arau Orokorrean jasotakoa aplikatuko da.

### 12. artikulua.

Udal jabetza publikoa okupatzea baimenduko dion lizentzia eskuratu ahal izateko ezinbesteko baldintza izango da Udal Hazienda honekiko zordun ez izatea bere baliabide lokalak osatzen dituzten kontzeptuetariko ezeinetan.

### 13. artikulua.

1.-Tributu-arauen urratze arrunta izanda dira ondoren zehazten diren kasuak, eta era honetarako zigortuko dira:

A) Okupatzeko lizentzia duenak lizentzia horretan mugatutako gune publikoa okupatzen badu, beharrezkoa den autolikidazioa aurkeztu eta ordaindu gabe, edota ordaindutakoagatik baimentzen zaion baino gune handiagoa okupatzen badu, alde batera utzita dagokion tasa ordaintzeko duen betebeharra, zigor hauek ezarriko dira:

1. Lehenbiziko aldian, bete beharrekoak bete ez izanaz ohartaraziko zaio.

2. Bigarren aldian, 50 euroko isun batekin zigortua izango da, hemen ezarritako zergazko betebeharrak bete ez dituelako.

3. Hirugarren aldian, 80 euroko isun batekin zigortua izango da, hemen ezarritako zergazko betebeharrak bete ez dituelako, eta baimena etenda geratuko da 6 hilabeteko epean.

4. Laugarren aldian, 175 euroko isun batekin zigortua izango da, hemen ezarritako zergazko betebeharrak bete ez dituelako, eta baimena etenda geratuko da urte beteko epean.

5. Bosgarren aldian eta hurrengotan, 300 euroko isun batekin zigortua izango da, hemen ezarritako zergazko betebeharrak bete ez dituelako, eta lizentzia baliogabetzea.

B) Gune publikoa okupatzen duenak dagokion autolikidazioa aurkeztu eta ordaindu gabe, eta lizentzia eskatu baina horretarako baimena ez izateak egoera larritzen duela kontuan hartuta, zigor hauek ezarriko dira:

1. Lehenbiziko aldian, 80 euro.
2. Bigarren aldian, 175 euro.
3. Hirugarren aldian eta hurrengoetan, 300 euro.

C) Gune publikoa okupatzen duenak dagokion autolikidazioa aurkeztu eta ordaindu gabe, eta bide publikoa okupatzeko lizentzia ez izateak edota eskatua ez izanak egoera larritzen duela kontuan hartuta, zigor hauek ezarriko dira :

1. Lehenbiziko aldian, 175 euro.
2. Bigarren aldian, 300 euro.
3. Hirugarren aldian eta hurrengoetan, 600 euro.

2.- Gainerako zerga-arauak urratzeagatik jarri beharreko zigorra sailkatzeko eta zehazteko, Gipuzkoako Zergen Foru Arau Orokorrean jasotako sailkapena eta xehetasunak aplikatuko dira.

## X. AMAIERAKO XEDAPENA

Ordenantza hau, eta bere Eranskina, bertan adierazten den egunean onartu zen behin betikoz. 2018ko urtarrilaren 1ean jarriko da indarrean, eta aldatu edo indargabetzea erabakitzen ez den artean jarraituko du indarrean.

Euren Eranskinak hauexek dira:

### ERANSKINA

#### 1. IBILGAILUAK ESPALOIETAN ZEHAR FINKEN BARRUALDERA SARTZEA ETA HORIEN APARKAMENDU ERRESERBA BIDE PUBLIKOAN

Zergaketaren oinarriak aprobetxamenduaren klase eta azaleraren arabera zehaztuko dira, eta ondoren zehazten den urteroko tarifara lotuko dira.

Kontzeptua	Euro
a) Ibilgailuak espaloietan barrena sartzea (igarobide partikularrak, industria, garaje publiko eta kolektiboetarako igarobidea):	
-toki bakoitzeko	8,80
b) Bide publikoan espazioak erreserbatzea:	

	- Metro linealeko edo zati bakoitzeko	34,60
c) Ibilgailua utzi nahiz aparkatzea debekatzea:		
	- Metro linealeko edo zati bakoitzeko	17,30

Tarifa aplikatzeko arauak:

1.Tasa honen xedea izango da espaloiak zeharkatuz ibilgailuek erabiltzen dituzten sarrera edo pasuak; eta, bide eta erabilpen publikoko hutsuneen erreserba bereziak, bidaiarientzako zerbitzu erregularrak edo diskrezionalak direnean, edo partikularren probetxurako ezar daitezkeen zerbitzu lineak hasteko edo amaitzeko direnean, betiere ibilgailuak eraikinetara eta orubeetara bide publikoetan zehar sartzeko pasabideen Ordenantza Arautzaileak ezarritakoaren arabera.

2.-Zerga ordaintzeko obligazioa sortzen da bide publikoan ibilgailuak sartzeko seinalizazioa jartzeagatik, nahiz eta sarbide hauek baimenduak edo inork utzitakoak izan, ibi izaera badute edo ez, eta zentzu honetan, sarrera ohikotasunez erabiltzen bada, honetarako bide publikoan debeku edo aparkaleku erreserbaturako seinaleak jartzen badira.

3.-b) eta c) ataletan seinalaturiko tarifak independenteak dira eta, beraz, a) atalean seinalatu diren sarrerekin, ibilgailuak espaloietan zehar egiten duten sarrerarekin alegia, konpatibleak.

4.-Gelditze eta aparkatze erreserbetan edo debekuetan eta dagozkien tasak ordaintzetik aparte, interesatuek trafiko seinaleen kostu osoa ordaindu beharko dute, hala nola, aipatu seinaleak jartzeak, mantentzeak eta birjarpenak ekar dezaketen gastua.

Aipatutako kostuak ordaindu egin beharko dira interes partikularrak zein publikoak konkurrituko balute ere.

5.-Ordenantza honetan arautzen diren tasak zamatzen dituen aprobetxamendu bereziaren onuradun izateko, derrigorrezkoa izango da udal baimena eta ezin izango darik aprobetxamenduaren onuradun izaten hasi, aipatutako baimenik gabe.

6.-Aipatutako tasa kobraketa eroldaren bidez urteko ordainagiri bakar baten bidez egingo da, baimena ematen denean izan ezik, orduan zuzenean likidatuko baita eta kuota hastapenetik hasi eta abenduaren 31a arte dauden hilabete kopuruaren arabera (zatiketa ez inolaz ere titularitate-aldaketa eta bajei aplikatuko)

7.- Tasa honen ordaiketan salbuetsita egongo dira :

a)Estatuaren, Eusko Jaurlaritzaren, Probintziaren, Udalaren edo bestelako Erakunde eta Instituzioen Zentro Ofizialak eta Bulegoak, betiere kasuan kasuko interes orokor eta publikoko arrazoiak tartean direnean eta Erakunde horiek baimena eskatu eta Ordenantza honetan ezarritako baldintza guztiak betetzen dituztenean.

Klinikak, Erietxeak edo Asistentzia Zentroak, anbulantzien sarrera eta irteeretarako.



## ERANSKINA

### 2. UDAL BIDE PUBLIKOEN LURZORU, LURPE EDO HEGALKINAREN ERABILPEN PRIBATIBOA EDO APROBETXAMENDU BEREZIA, HORNIDURA ZERBITZUEN ENPRESA USTIATZAILEEN ALDE.

Auzotegi osoari edo horren zati garrantzitsu bati dagozkion hornidura zerbitzuak ustiatzen dituzten enpresen aldeko bide publikoen lur, lurrazpi edo lurgainaren erabilera pribatibo edo aprobetxamendu bereziengatik prezioa izango da aipatutako enpresek udal barrutian urtean eskuratzen duten fakturaziotik datozen sarrera gordinen %1,5koa.

#### Tarifa aplikatzeko arauak:

1.-Honakoak hartuko dira hornidura-zerbitzuen enpresa ustiatzailatzat:

- a. Argindarra, ura edo gasa hornitzen duten enpresak.
- b. Jendearentzako telekomunikazio zerbitzuak ematen dituzten enpresak, baldin eta udal bide publikoen lurzoruan, zorupean edo hegalduran erabilera pribatiboz edo aprobetxamendu bereziz instalatutako telekomunikazioko sare publikoak, osorik edo zati batean, erabiltzen badira.
- c. Hornidura-zerbitzuak ematen dituzten beste edozein enpresa, baldin eta horiek emateko udal lurzoru, hegaldura edo zorupea hartzen duten hodiak, kableak eta gainerako instalazioak erabiltzen badituzte.
- d. Hornidura-zerbitzuak banatu eta merkaturatzen dituzten enpresak.

2.-Tasaren oinarritik honako fakturazio kontzeptu hauek kentzen dira: Kontagailuen alokairua, hartuen eta engantxe eskubideak eta BEZ.

3.-Tasaren likidazioa iraungitako hiruhilabeteko naturaletan egingo da, eta udalerriko fakturazio balio errealekin.

Liquidazioa banaketa-enpresek fakturazioaren zerrenda bidali ondoren egingo da (zerrenda hori tarifaka emango da).

4.-Zerrenda horren aurkezpena hiruhileko naturala iraungi eta 30 egun naturaleko epean egingo da eta, une horretatik aurrera, exijitu ahal izango da.

## ERANSKINA

### 3. BIDE PUBLIKOEN APROBETXAMENDU BEREZIAK

Kontzeptua	Euro
a) Kanpoko mahaiak : Urteko iraupena,urteko tasa ondoko unitate bakoitzak:	
mahai bat eta lau aulki	115,90
Mahai bat eta bi taburete	58,00

Beste elementuak: bankoak, barrikak...	45,00
b) Terraza, instalazio finkoekin (estalkidun itxitura, toldo, markesina edo antzekoak) m <sup>2</sup> edo zatiko	191,70
c) Makina automatiko eta antzeko instalazioekin okupatzeko, aldi baterako edo behin betiko, unitatea (gehi 14,80 euro m <sup>2</sup> urteko)	23,50
d) Bide publikoa okupatzea, hesi, salgai, aldamiio eta abarrekin	
Salgaiak, hondakinak, lurra, harea, materialak: m <sup>2</sup> edo zatika eta eguneko	2,32
Hesiak, aldamiioak edo bestelako instalazio egokiak: m <sup>2</sup> edo zatika eta eguneko	0,50
Obra-hondakinak, aldamiioak, edo bestelako instalazio egokiak. m <sup>2</sup> edo zatika eta eguneko	3,75
Zutabe, eustaga edo eusteko beste hainbat elementu. Bakoitzeko eta hamabostaldiko edo zatika	7,90
e) Klean, salmenta postu finkoa:	
Izozkiak (maiatzaren 1etik urriaren 31 arteko aldia)	385,20
Gaztainak (urriaren 1etik martxoaren 31 arteko aldia)	107,35
Txurro eta buñuelo postua (hileko edo zatika)	192,55
Baimendutako beste artikulua batzuk (m <sup>2</sup> -ko edo zatika) eguneko	9,55
f) Jai nagusietan eta auzoetako jaietan barraka eta jolasguneekin okupatzea: hitzarmena Gipuzkoako Feriariaren Elkartearekin.	
g) Zirko ikuskizunak edo antzekoak:	
1.000 ikusleentzat, eguneko	241,15
1.000 ikusleentzat baino gehiago, eguneko	318,25
785,10 €-ko fiantza bat ezarriko da, udal teknikoen oniritzia jaso ondoren itzuliko litzatekeena.	
h) Bide publikoa jaiegunetan okupatzea (San Joan, Inauteriak, San Inazio, etab.), Gipuzkoako Feriariaren Elkartearekin izenpetutako Hitzarmenez kanpo geratzen diren postuak	

Bisuteria, larruzkoak, eskuz egindakoak, arropa... metroko:	
* Eguneko	19,15
*Jai-eguneko	57,90
Hanburgesak, ogitartekoak... saltzea, metroko eta eguneko	40,35
i) Bide publikoa okupatzea kioskoekin, prentsa saltzeko postuekin, ONCEko kabinekin eta bestelakoak.	
Prentsa kioskoak, m <sup>2</sup> bakoitzeko urtean	29,90
Prentsa saltzeko postuak, hilean	4,75
ONCEko kabinak: urtean	297,60
Argazkiak ateratzeko kabina: urtean	297,60
j) Kutxazain automatikoak fatxadatik eskaintzen duten autozerbitzuak, instalazio bakoitzeko eta urteko	311,15
k) telefonia mugikorrarentzako oinarritzko estazioa jartzea: Tasaren zenbatekoa kalkulatzeko honako biderkagaiak kontuan hartuko dira:	1,70
Onartutako tarifa, ustiapenaren denbora egunetan eta azalera metro karratuetan	

## ERANSKINA

### 4. ASTEKO FERIA ETA UDALETXEKO ARKUPEETAKO SALTOKIEZ BIDE PUBLIKOA OKUPATZEA

Kontzeptua	Euro
a) Baserriko barazkiak, arraultzak...	28,15 €
b) Baserriko beste produktoak (aperoak, h,azi loreak, landareak...)	58,05 €
c) Urdaiazpikoa, hestekiak oro har, gazta eta gurinak	233,40 €
d) Alimentazioa: fruta, fruitu lehorrak, pastak, olibak, bakaioloa, babarrunak, ekologikoak, txutxeak	146,95 €
e) Edariak: ardoa, sagardoa, txakoli, likoreak...	276,65 €

f) Beste produktoak: arropa, zapatak, liburuak, sukaldeko menajea, kosmetika, jostailuak bisuteria	174,75 €
Beste kontzeptuak desagertzen dira	

Tarifa aplikatzeko arauak:

1. Saltzen diren produktuak goian aipatutako zerrenda horretako epigrafe batean baino gehiagotan sartzerik baldin badago, tasa altuena finkatua duenaren arabera ordainduko da zerga.

2. Tasa hamar eguneko gehienezko epean ordainduko da, postuak esleitzeko erabakia jasotzen denetik aurrera kontatua.

Ordainketa hori aldez aurretik egingo da, eta sei hilabeteko epeka.

ERANSKINA

5.- UDALETXEKO ARKUPEETAN LOREAK SALTZEKO SALTOKIAK "SANTU GUZTIEN EGUNA".

Kontzeptua	Euro
Loreak saltzea eguneko	66,60€

ERANSKINA

6.- HERRIKO HAINBAT KALETARA SARTZEKO KONTROL SISTEMA

Ibilgailuak sartzeko txartelak eskuratzea:

Tarifak	Euro
Sartzeko kontrol sistemarako txartela	10,00€

*Tarifak aplikatzeko arauak:*

1.- Tasa hau ordaindu beharko da Hernaniko Udalerriko zenbait kaletara sartzeko kontrol sistema arautzen duen ordenantzaren eta ordenantza hori garatze aldera ematen diren bandoetan ezarritako kaletara sartzeko.

2.- Tasa hauen subjektu pasiboak izango dira Hernaniko Udalerriko zenbait kaletara sartzeko kontrol sistema arautzen duen ordenantzaren arabera eta araudi hori garatze aldera ematen diren bandoen

arabera dagokion udal baimena eskatu behar duten pertsonak, zehazten diren kaleetara sartzeko baimena lortu ahal izateko.

3.- Baimenak berri behar direnean tasa berriz ordaindu beharko da eta, txartela galdu edo hondatu delako beste berri bat egin behar izanez gero, orduan ere bai. Tasaren zenbatekoa izango da baimena edo txartela berritzerakoan indarrean dagoen ordenantza fiskalak ezartzen duena.

4.- Ordenantza honetan arautzen den tasak kargatutako aprobetxamendu bereziaz baliatzeko beharrezkoa izango da dagokion udal lizentzia eskuratzea. Lizentzia hori gabe ezin izango da aprobetxamenduaz baliatzen hasi.

5.- Tasa hau independentea da, eta, horrenbestez, I eranskinean ezarritakoekin bateragarri: ibilgailuak espaloiak zeharkatuz sartzea, bide publikoan espazio erreserbak egitea eta autoa geratzeko eta aparkatzeko debekua.

6.- Tasa hau autolikidazio bidez eskatuko da, udal baimena eman aurretik.

## 7.- EREÑOTZUKO ENTITATE TXIKIKO PILOTALEKUAREN ERABILERA

Ereñotzuko pilotalekua erabiltzeagatik ordaindu beharreko tasak:

- Ordua hartuta dutenentzat ..... 50 €/hilean  
(aldagelen eta dutxen erabilera barne)
- Libre geratzen diren orduetan aldagelen erabilera..... . 12 €/aldiko
- Giltzak itzuli bitarteko bermea ..... 15 €
- Argiarentzako fitxa bakoitza (ordu beteko iraupena)..... . 3€